

清代宦臺人文獻選編 第一種

釣璜堂存稿

(三)

徐孚遠 撰

卷七

釣璜堂存稿卷七

懷舊樓叢書

華亭徐孚遠閣公甫著

孫男懷瀚謹錄

七言古詩三

釣魚歌壽王先生

王夫子買舟釣魚滄波裏
水底珊瑚漸長成
山頭白石常如齒
一年垂釣又一年
隔絕塵埃心則喜
偶然釣得磻溪璜
再釣乃是陵陽鯉
放魚歸去養頭角
待我濟河呼蒼兕
功成他日來相迎
指點三山千萬里

送曹雲霖返北

故人別去歲華更朔風
挂席到南溟
參差島嶼帆前出
激

作黿鼉浪裏鳴相見各驚顏色古未敘行藏且道苦苦情
歡喜兩無嫌強飲村醪歌以舞君今方自中原來中原王
氣幾時回耿鄧之儔誰會面構厦須有凌雲才君言我行
大江北泗水園陵今改色人倫濟濟多不凡真人御之皆
羽翼前歲黃龍雲際游又傳江水斷江流天道欲還真不
爽卽看六合且宗周我昔嘗聞碑竈語年來契闊憂如癡
相聞游蹟乃歷然耳熱風生神氣舉勸君速往江與淮四
七之讖良可諧扁舟潛渡人莫識風雲直上是天階

有所思行

神州擾擾久無主玉展且借牧羊豎青袍白馬今如許舉

眼誰將天柱補卽看千羣多驢驢乘勝江南亦易取何爲
進退兩無成師出徒令生民苦大業豈盡須健兒張陳決
策酈生語

秦漢行

秦人用秦驕不治秦人用漢漢力疲南北往來苦奔命餘
勇難賈今其時時乎已久會當變不知誰爲天所眷房杜
咨諏英衛戰雲龍之合真可羨老眼欲休殊未休我當負
竿以遨遊

嗟久客

吁嗟久客奚以爲賓筵有口無所施銜杯黯黯捋鬚髭秦

運當衰誰健兒成敗理可卜緩急難爲期英雄舉事且懷
疑昔者漢祖在澤中李唐方據晉陽宮不震不疑舉大功
一時雖借風雲力謀夫不多兩心同身老地隔無所藉閉
戶沈沈過長夏慎勿高談王與霸且牽黃犢桑陰下

懷鄉

烈皇之末妖星纏不周柱折波滔天出門四望無所適且
舟且車足迹邇豈期一去十餘年崑山泖水俱茫然游泳
常隨魚鼈侶衣裳日染滄浪煙有時府主置醴筵方言滿
座如流水耳聽心惟了不解強持觴罍神不全江東形勝
古來傳能者乘時早著鞭張公禮飲周郎曲他年歸去狎

羣賢

友人南行而不能偕短歌志懷

閉口十年無一語不愁老至無處所授餐假館亦有情迹
雖濡矣神不許脂余車兮命余航美人猶隔沅與湘望之
遙遙增歎息負鼎攀龍非我力

送雪嵩安置臺灣

長日炎蒸碧浪淼雲逐輕帆青嶂杳滄溟以東更向東結
束乘槎何草草一鶴孤鳴徹九皋狺狺吠徒爲勞面折
無辭長孺慙遠遊時詠屈平騷相聞徐福有遺丘不問瀟
洲與鬱洲土人佃漁安卉服客子衣冠對海鷗與君同里

老相憐詞察如羅不敢前莫怪今來閉其口郊居八載作
寒蟬

送馬玉樓北伐

神州北伐久漫漫遙想天人際會難相聞持節擁貔貅忽
然起舞寫心憂強梳白髮上君堂看君意氣真飛揚練兵
范子陰符秘聚米文淵算略長君言用師戒遲巧江上殘
秦當電掃探龍得珠勢乃奇不須與眾爭鱗爪驅參占斗
行天罰闢土何分閩與越幡竿直指新亭洲先取金陵作
帝闕旅居海上魯連生裘敝履穿劍不鳴他時倘在田單
座猶堪飛檄下聊城

壽楊玉環將軍歌

將軍少小立奇勳，俊翮凌風塞下聞。
嘗統票姚禽羯虜，也分銳士逐黃巾。
臂懸角弓印垂肘，青袍白馬如無有。
廿載疆場身未閒，便蕃榮戟恩何厚。
一朝握節黃龍北，齧雪真同蘇屬國。
萬里歸來觀故宮，故宮蕭蕭滿荆棘。
攜家閒就滄浪卜時來，方逐中原鹿不妨。
遣興狎酒樽，何以忘憂拊絲竹。
卽今年方五十餘，且坐溪頭釣鯉魚。
一夢飛熊猶未晚，帝車熠煜起東隅。

捷書

玉帛繽紛鐘鼓響，獻凱酬功神所獎。
雕輪虛墮豈人爲，鮮

金王堂不刊卷一
鱗乃出一目網滿堂賓客諛且驚公子之奇天下名呂望
皤皤黃髮叟且屠且釣莫論兵

賦懷

九甸塵飛天柱覆結交英俊相奔走家無負郭恥言貧游
燕過趙看龍鬪卽今世事猶茫茫籍名鉤黨去故鄉田橫
有島聊偃息若士無徒且徜徉往來煙霧人莫知魚腹藏
奇那得施星河沈沈雲氣杳四更嚴鼓滄浪曉

舟師

君不見昔日王家丞相孫率師不用駕騾耳舟行溯渭入
西秦長安城外作軍壘人生風土豈有常因機決策勢莫

當北人入南等閒事南人入北亦無異如何此中多高勳
昔年健鬪天下聞一朝欲鼓石城棹心驚氣索徒紛紛吾
聞駕馭有奇才地之所產皆龍媒六轡入手無不可天廡
一出飛黃來

風雨連日夕

冬夜寒風客悄悄衾薄愁多難向曉起來寒戶寂無人四
山出雲正縹緲秋日甘霖一滴無栽禾不秀菜葉枯於今
不耐淫霖注萬竅雷鳴谷沒樹

駱亦至詩歌

可憐天睡何難曉眞人已出猶杳杳駱子跳身兩島中眼

穿欲望九州同有母牽衣行不得授經數載途愈窮地瘠
時危人輕徙故交欲盡講堂空春蘭秋桂兩相宜遣興惟
成數卷詩君詩於古何所似杜陵五言不異此氣味深老
神骨蒼大鏞叩之人不喜此中解事兩三家心愉目豁長
咨嗟莫謂島棲無所事君今得此良已奢知我好吟同調
寡示以清音真灑灑澗溪涓流不足觀銀河激浪從天瀉
看取他年洛鎬平徵車好作周家雅

室中

風塵冉冉水一方七尺之室五尺牀牀頭倒出故篋書朱
鉛半沒蠹殘餘濛濛山霧瀟瀟雨埗上雞嘯天欲暮

問海客

去國離家十四載
昔日容顏今日改
祇聞遼海客
幼安不見燕宮師
郭隗儂自三吳英俊人
於今還欲蹈滄海波
浩石纍纍狂鷗蕩之山谷
欹或南或北作水嬉
來有日兮去無期
岸上豺虎終當盡
水中蛟龍那可知

感懷

白石離離嵐氣重
春日游絲秋夜蛩
每嗟幽篁隔山鬼
難期江介下黃龍
龍飛常在五雲間
猶自王鈇滯百蠻
不道升天無羽翼
淮陰部署劉侯晝
周時未至且盤桓
不知此老身奚適

南信

數載雙鳧行不得兩章封事馳南極秋深粵鳥屢飛來問
之杳杳無消息誰謂於今道路難麒麟驤首白雲端羣公
扶轂王良策惟有逋臣倚柱看

眼前行

大軍北伐猶未還壯士居者少歡顏公家給食不堪飽況
有携蒲買酒錢將軍軍令如等閒結伴橫行眼刺天十十
五五夜叩關陸家洛裝王家氈快意奪取如己物今日費
盡明復然爾輩何人軍羽翼分當捕賊乃作賊民間扞掇
不敢前縱橫實倚將軍力豈無口語相刺譏可憐悍然無

愧色君不見昔日羽林軍中宵殺人朝上直

周葉二子久依陳匡合匡合沒貧不能自存歎之

二子島居長太息邇年猶作成安客成安去世心茫然旅
食常遭俗眼白陸無寸田水無船那得空餐島上煙時入
戎行時服賈謀事不成首愈俯依人廊廡豈人豪遠游將
向吳與楚提劍出門是耶非可憐妻子牽人衣

羣兒行

分麾樹纛者誰子揚眉輝赫好意氣忽如春風扇芳卉何
必除書出帝庭眼見羣兒自相貴老夫十載入蓬瀛昏昏
難料九州情元亮籬邊菊始放仲蔚門前蒿欲生歲晏沈